



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

Iesu Christi Annus. M.D.LXX. Sancti Patris Benedicti. M.XC.

**urn:nbn:de:hbz:466:1-38498**

*Nobis* Provincijs, *Libertatem conscientie*, tanquam suam naturam cuius propriam, proclamari curaret, & amicitiam, nunquam duraturam, animos catholicorum sibi devincere satageret, inde magna passim damna, & Hæretici ipsa licentia efferati, nihil non audent in sacros viros; his admirabili patientia laureas merentibus, & in hac revera animas possidentibus.

*Ludovici & Estrada fama.* Ingens fama sanctitatis Ludovici nostri de Estrada Hortensis Abbatis, summos Principes atque Magnates facile ipsi copulavit, ut familiaritatem ejus certatim exambirent, sæpius ipsum convenirent, benedictionem efflagitarent, eaque meritis, & felicissimos se esse crederent, ac si per negotia ipsi occurrere prohiberentur, per litteras de gravissimis ipsum negotijs consulerent, & ipsi quidem tanti momenti, ut ab ipsius Voluntate totius Regni Castellani status pendere videretur. Extare, ait Henriquez, in Hortensis Canonij Bibliotheca librum integrum Epistolarum, quibus ferè omnibus, vel ad Principes ac Nobiles datis, modum regendæ familiæ præscribebat; vel ad Respublicas, ab ipsius de rebus gravissimis interpellatus, sententiam suam aperiebat, optima consilia dictabat. Inter alios Principes, qui ejus familiaritate & colloquio plurimum afficiebantur, fuit etiam Joannes ab Austria, celebratissimus ille belli Imperator, qui Canonium Hortense sæpissimè adijt, ea unica de causa, ut Ludovicum intueretur, cujus alloquij jucunditate tantopere afficiebatur, quasi cum Angelo DEI conferret. Nam cum illo de maximi ponderis negotijs agebat, eumque consulebat, nihil ferè prorsus momenti alicujus ipso inconsulto suscipiens, sed sincero cum animi affectu, res suas, suaque proposita, imò se ipsum Viro DEI confidentissimè credens & commendans. Neque dubium, ait vitæ Author, esse potest, quin ea de causa tantis victorijs potiretur, deque inimicis tanta Trophæa erigeret. Dum enim hic gladium, hostium cruore imbueret, ille ut alter Moyses, in cella sua angulo [ecce Monachorum labores & merita] puras ad Cælum levabat manus, Deum rogans, ut populo suo saveret, eosque, qui nomen suum excindere conabantur, confunderet. Quod invictissimum hunc

*Principem non latuit, ideoque non tam sibi, quam DEO, & hujus Sancti Senis precibus confusus, in bella ruebat.*

IESU CHRISTI ANNUS. M. D. LXX.  
Sancti Patris Benedicti. M. XC.

Innotescit primum Romæ sanctæ memoriae Annas d' Escars noster, ex Monacho S. Benigni Divionensis, ejusdem loci Abbas, ad varias & magnas postea dignitates, pro eximijs vitæ meritis promotus; statim atque in cognitionem Pij V. verè & solide sanctissimi Pontificis venit, eidem intimè charus, & ab ipso plurimum honoratus, fuit filius unicus Illustrissimi Domini Jacobi d' Escars, & Illustrissimæ Dominae Franciscæ de Lonwic, viduæ Ill. mi Domini Admiralis Chabotij; è quibus et si ipse unicus esset, habuit tamen. uterque parens diversos prius conjuges, ex quibus Annas diversos quoque fratres & sorores, iterumque ex his nepotes & neptes magno numero plurimos habuit, omnes maximè apud Reges dignitatis & auctoritatis. Ipse nihilominus princeps gloria omnium exiit, talis à teneris unguiculis, ut inde & in toto vitæ cursu nihil prorsus in ipso reprehensibile deprehenderetur. Fuit omnium judicio in omni vita, sobrius, castus, pius, affabilis, mitis, liberalis, religiosus & sanctus, talis omnino, ut quacumque veniret, admirationi omnibus esset & venerationi. Animadvertit in juvene etiamnum Pius quintus, quæ in ipso coleret, & totus Patrum purpuratorum Senatus tanti ipsam fecit, ut summis honoribus natum & verè dignissimum judicarent, jamque tunc ipsi Cardinalitius Galeras minimè vano omine prædiceretur. De hoc tanto viro deinceps plura.

Iterum novum ex Ordine sydis gloriosissimo Martyrum Christi choro in Cœlis hoc anno jungitur, Beatus Nicolaus Macgerald, sacrae Reformationis nostræ Cisterciensis in Hibernia Monachus, qui magni Athanasij exemplo persecutione fugiens, cum in nemoribus sese abderet, neque dignum tanta gloria judicaret, ab ipso Numine ad singulare certamen in oculis amplissimæ urbis electus, & à persecutoribus interceptus, cum constans in Romana fidei professione persisteret, crudeli

*V. Annas d' Escars Abb. S. Benigni.*

*Francisca de Lonwic.*

*B. Nicolaus Macgerald Martyr.*

deli sententia ad patibulum damnatus, in eoque suspensus, inde semivivus depositus, & in quatuor partes sectus, egregium spectaculum caelo & exemplum Ecclesiae militanti praebuit. *Ex Hist. Anglic. & Annal. nost.*

Labores suos hoc tempore, aeternitate merito immortaliter consecrat, & consulit serae posteritati Benedictus à S. Germano, sacri Casinatiss. Monachus, & ejusdem postea Congregationis Abbas, Latinae, Graecae & Hebraicae linguae excellens cognitione; cujus inter alia, quae doctissime scripsit, sequentia celebrantur:

*Benedictus à S. Germano Mon. Casinas.*

*In Psalterium Hebraicum Commentaria.*

..... Lib. I.

*In Epistolas S. Pauli Apostoli Commentaria.*

..... Lib. I.

*Ejus ingenij monumenta.*

*In Psalmos Psalms Regij Commentaria Lib. I.*

*Tractatus de usuris. .... Lib. I.*

*Super Libros Perihermenias Priorum, Poster, de Anima Aristot.*

*In Libros Praedicatorum Disputationes varia. .... Lib. I.*

*Proverbia animalium: opus pulcherrimum*

..... Lib. I.

*De imitatione Marci Tullij Ciceronis. Lib. I.*

*Contra Calumniatores Apologia, &c. & plura alia.*

Ad hunc usque annum produxit Historiam suam Georgius Cabillau Monachus Aldemburgensis, de re Historica optimè meritis, crediturque nunc vivere desuisse. *Sanderus in Scrip. Flandriae.*

*Philippus Fantonus.*

Floruit hoc eodem tempore Philippus Fantoni, Congregationis Camaldulensis Monachus, Philosophus insignis & Mathematicus, ejusdemque disciplinae, in publico Pisanorum studio meritis professor. Scripsit de modo reducendi annum ad suum legitimum numerum, librum unum & nonnulla alia.

*Joannes Lontailleurus.*

Meretur insigniter de re litteraria Joannes Lontailleurus celeberrimi in Gallia Belgica Canobij Aquiscinctini Abbas, excitato amplissimo, & pulcherrimo in Academia Duacena Gymnasio sive Collegio, in quo juvenus in optimis disciplinis informaretur, ut hoc ipso tempore non minus rudi quam crudo, & seditionibus turbatissimo, nostri litteras non solum propagarent, sed alerent, atque animarent. *Ex Fastis Belgicis.*

IESU CHRISTI ANNUS. M. D. LXXI.

*Sancti Patris Benedicti. M. XCI.*

Supremus hic annus est, summo summi Pontificis Pij Quinti, totiusque Romanae Urbis, nec non Regis & Regni Gallici luctu, Hieronymo Soucherio, brevi omnino Cardinalatus usu, quem honorem, uti admittit ægerime, ita deseruit libentissime, Numine procul dubio exorato, cum apud Pontificem nihil precibus proficeret. Vir fuit planè admirabilis, prudentiâ, ultra humanam praeditus, Zelo Religionis & disciplinae Monasticae primæva ferventissimus, Divinis rebus totus absorptus, carnis propriae hostis juratissimus, illecebrarum & pomparum omnium contemptor generosissimus, intentissimus animarum lucro, Hæreticorum malleus, pauperum, & Religiosorum omnium Advocatus. Verum caelo dignior, Romæ ereptus, ibidem in maxima sanctitatis opinione decessit, sepultus ibidem ad sanctam Crucem in Hierusalem; & hoc Epitaphio honoratus:

*Moritur Hieron. Soucherius Cardin.*

*Donno Hieronymo Socherio, Arverno, Parisiensi Theologo prestantissimo, qua Henrico II. Francisco II. & Carolo IX. Gallorum Regibus, Carolo Cardinali Lotharingo, bonisque omnibus eximie charus, Clarae-Vallis Abbas, in Tridentina Synodo, sententias doctrine, pietatis, ac prudentie plenissimas dixit. Inde Cisterij electus Abbas, ipsiusque Ordinis Generalis, à Pio V. Pont. Max. delatam absenti Cardinalatus Dignitatem, ut acciperet, vix adduci potuit; deinde in Urbem accitus, singulari opum atque gloria contemptus, & vite moderatione omnibus admirationi fuit. Vixit ann. 63. Obijt X. Cal. Novembr. 1571. Eo mortuo, Pius V. Miror summo pere, inquit, ad tanti Viri obitum, campanas Urbis non omnes ulro consonare. Idem Papa in Publico Consistorio super morte ejus ad Patres verba faciens: Uno extincto Socherio, ait, magnum lumen Ecclesia DEI amisit. Et quis S. Caroli Borromæi satis luctum, eo amisso exponet? *Ex Vita Pij V. Alph. Ciaccon. Petramellario, Hilarione de Costa, in Elog. Vir. Illustr.**

*Epitaphium ejusdem.*

Hoc ipso anno memorabilis ad omnem aeternitatem victoria è Turcis ad Naupactum reportata, Duce Joanne ab Austria, non sine praesenti Deiparae ope, ad preces ferventissimas Pij V,

*Victoria Naupactica quibus a descripta?*

verè